

# *TSHIVHIDZO TSHO*

## *FHURIWAHO, NGA SHANGO*

 Yesu Kristo, Murwa Wawe, huno o ri nea zwithu zweithe hu si na mbadelo kha Kristo. Ri vha livhuwaho kha Iwe, Murena, nga pfanelo dzine ra newa nga itshi Tshithavhelo tshihuluhulu tshe Yesu a ri nea tshone ngei Khalivari, uri tsho ri pfumetzanyela murahu kha vhutama na kha u funwa nga Iwe, uri ri kone u vha na iyi khuthadzo ya u divha uri zwe ñwaliwa, "Arali ni tshi dzula kha Nne, na Maipfi Anga kha inwi, ni nga humbela tshire na funa, huno ni do itelwa tshone." Zwino, ri vha livhuwaho itshi, huno ri rabela uri U do ri nea lutendo lwa u tshi tenda nga zweithe zwi re kha riñe.

<sup>2</sup> Zwino kha ri vhee thungo, Murena, u ñinetisa huñwe na huiwe ha ñuvha, mbilaelo inwe na inwe ya uvhu vhutshilo, ndilani yothe u bva kha muñhogomeli u ya kha mufunzi, uri hu nga si vhe na tshithu thalukanyoni dzashu zwino, fhedzi ra vha vha lindelaho, ri tshi khou thetshesela nga khuliso Muya Mukhethwa uri u ambe na riñe, uri ri kone u phetha tshiñwe tshithu tshavhudí, u divha zwe engedzeaho Zwau, nga u kuvhangana hashu rothe. Ngauri, Murena, ngoho izwo ndi ngazwo ri tshi da nga ili ñuvha li fhisaho. Amba na riñe nga Ipfi L̄au li tshilaho, huno u tendele ñipfi li tshilaho u fhañela kha riñe na u dzula kha riñe, uri ri kone u vhumbelelwa na u vhumbiwa, hu si kha shango, fhedzi ra shandukiswa nga u itwa muswa ha maya washu, kha tshivhumbleo tsha Murwa wa Mudzimu. Oo, mbilu dzashu dzi a tetemela musi ri tshi elekanya, huno dakalo li dadza mimuya yashu, u zwi ñivha zwauri ri nga vhidzwa vharwa na vhananyana vha Mudzimu. Ro ima lukomboni lwone-lwone lwa U Da Hawe lwa vhuvhili, huno tshakha dzothe na mivhuso zwi tshi tetemela phasi ha milenzhe yashu, zwithu zweithe zwa shango zwi khou ngalangala, fhedzi ri tshi zwi ñivha uri linwe ñuvha U do da nahone a ri isa kha Muvhuso hune ha sa do vha na magumo na kathihi, kana, na kathihi u nga si do dzinginyea. Huno u elekanya uri zwino ri vha-vhaluvha vha uyo Muvhuso! Oo Mudzimu, rubisa mbilu dzashu na dzindevhe namusi, nga-nga Muya Mukhethwa, nga u ñanzwiwa nga madi a Ipfi. Ngauri ri zwi humbela nga Dzina L̄awe nahone u itela vhugala Hawe. Amene.

<sup>3</sup> Ndi tama u sendela thoho matsheloni ano. Ngauri, ndo vha ndi tshi khou yo amba nga ha tshiñwe tshithu lwo fhambanaho zwituku arali ho vha hu tshi do tea u vha na tshumelo ya phodzo, fhedzi ro ñivhadza uri garaña dza thabelo dzi do kovhiwa nga awara ya malo, u swika nga hafu u bva

kha awara ya malo kana nga awara ya ṭahe n̄tha ha tshithoma. Huno ndo tou... Billy o ḍa nduni miniti i si gathi yo fhiraho huno o ri ho vha hu si na muthu hafha, ngauralo ho ngo kovha garata dza thabelo. Ngauralo ri ḍo...ndo elekanya u dzhia ili liñwalwa, u itela u khakhulula tshivhidzo. Huno ndi ḍodou amba nga ṭhoho ya: *Tshivhidzo Tsho Fhuriwaho, Nga Shango*. Ndi tama u vhala dziñwe zwino kha Bugu ya Vhahañuli, ndima ya vhu16, ri tshi thoma nga ndimana ya vhu10.

*Huno Delila a ri kha Simisoni, Vhona, iwe wo nkhoa, huno wa mmbudza mazwifhi: zwino mmbudze, ndi a u rabela, hune iwe u nga vhoxwa.*

*Huno a ri khae, Arali wa mmbofha nga maanda nga thambo ntswa dze na kathihi dza sa shume, zwenezwo ndi do kulea nungo, huno nda nga muñwe munna.*

*Ngauralo-ha Delila a dzhia dzithambo ntswa huno a mu vhofha ngadzo, huno a ri khae, Vhafilista vha kha iwe, Simisoni. Huno ho vha hu na vho mu lalelaho lufherani. Huno a dici khathukanya nga zwanda zwawe vhunga dziharane.*

*Huno Delila a ri kha Simisoni, U swika zwino wo nkhoa, huno wa mmbudza mazwifhi: mmbudze hune iwe u nga kona u vhoxwa. Huno a ri khae, Arali iwe wa luka...maphisa a ṭhoho yanga a sumbe, nga muluko.*

*Huno a a khokhomedza nga dzikhokho, huno a ri khae, Vhafilista vha kha iwe, Simisoni. Huno a karuwa khofheni dzawe, huno a ḥuwa na khokho dza mavhudzi o lukwaho, na muluko.*

*Huno a ri khae, Naa u nga amba hani, Ndi a u funa, ngeno kha mbilu yau i si na nne? iwe wo nkhoa ulu luraru, huno a wo...mmbudza hune nungo dzau khulwane dza vha hone; huno a wo ngo mmbudza hune nungo dzau khulwane dza vha hone.*

*Huno zwo do khunyeleta, musi o no mu kombetshedza ḫuvha na ḫuvha nga maipfi awe, nahone a mu ḥuṭuwedza, lwe maya wawe wa dinalea lwa u isa lufuni;*

*Huno a mu vhudza zwi re mbiluni yawe zweṭhe, huno a ri khae, A hu athu ḍa luare kha ṭhoho yanga; ngauri ndo vha Munazaretha kha Mudzimu u bva mbumbeloni ya mme anga: arali nda vheulwa, zwenezwo nungo dzanga dici ḍo ḥuwa kha nne, huno ndi ḍo kulea nungo, nahone nda nga muñwe munna.*

*Huno musi Delila a tshi vhona uri o amba zwi re mbiluni yawe zweṭhe, a rumela nahone a vhidza... khosana dza Vhafilista, a tshi ri, Idani ulu luthihi,*

*ngauri ene o sumbedza nne zwa mbilu yawe yothe. Huno khosana dza Filista dza da khae, huno a t̄oda tshelede ngomu, kana a disa tshelede ngomu ha tshanda tshawe.*

*Huno a mu ita uri a edele kha magona awe; huno a vhidza munna, huno a mu vhangela uri a vheule maphisa a sumbe a thoho yawe; huno... a thoma u mu thupha, huno nungo dzawe dza t̄uwa khae.*

*Huno a ri, Vhafilista vha kha iwe, Simisoni. Huno a karuwa khofheni dzawe, huno a ri, Ndi do bva u fana na nga zwinwe zwifhinga two fhiraho, huno nda didzinginyisa. Huno ho ngo zwi divha uri MURENA o mu t̄utshela.*

<sup>4</sup> Zwino ndi tama u vhala, u itela linwalwa la iyi thoho, li wanalaho Buguni ya Nzumbululo, ndima ya vhu2, ri tshi thoma nga ndimana ya vhu21 na ya vhu23.

*Huno Ndo mu nea tshikhala tsha u shanduka kha vhupombwe hawe; huno a sa shanduke.*

*Vhona, Ndi do mu posa vhulaloni, na avho vha no ita vhupombwe nae kha matungu mahulwane, nn̄dani ha musi vha tshi shanduka kha zwiito zwavho.*

*Huno Ndi do vhulaha vhana vhawe nga lufu; huno zwivhidzo zweyhe zwi do zwi divha uri Ndi nne uyo a fhendaho dzitswio na dzimbiyu: huno Ndi do nea munwe na muñwe wañu u ya nga mishumo yawe.*

Ngavhe Murena a tshi inga phaþhutshedzo Dzawe kha u vhalwa ha Ipfi L̄awé.

<sup>5</sup> Simisoni, nga maandamaanda vhunga tshividzo, o thoma zwavhuði. O thoma o livha thungo i re yone. O thoma, huno a vhidzwa munna wa maanda o khwaþhaho. O thoma, a tshi khou shumela Murena, nga u vhulunga Maipfi Awe na u tevhedza Milayo Yawe. Huno izwo two vha zwi tshi nga tshividzo. Tsho thoma tsho ri ke, sa zwe ra vha ri tshi do amba, sa liambele la shango, tsho thoma nga mulenzhe wone. Tsho thoma nga u vhulunga Milayo ya Murena. Huno musi Simisoni a tshi khou di tevhela Murena, Murena o shumisa Simisoni.

<sup>6</sup> Ngauri, Mudzimu a nga vhulunga muñwe na muñwe nahone a shumisa muñwe na muñwe a no do Mu tevhela, ngauri ndi mushumo wa Mudzimu. Fhedzi musi ri tshi kheluwa, kha zwithu zwa Mudzimu, zwenezwo Mudzimu a nga si tsha kona u ri shumisa. Musi ri tshi do tshimbila ro khwatha nga Milayo ya Mudzimu, musi ri tshi do dzula masiaþarini a Bivhili huno ra luvha nga Ipfi lo ñwaliwaho, ra Mu luvha ri Muyani na Ngohoni ya Ipfi, zwenezwo Mudzimu a nga shumisa muthu muñwe na muñwe. Fhedzi musi vha

tshi vha na muhumbulo wa u rembulutshela thungo kha tshiñwe tshithu-vho, zwenezwo Mudzimu a nga si tsha shumisa uyo muthu.

<sup>7</sup> Ngauralo, Simisoni u ita tshifanyiso tshi—tshihulusa tsha tshivhidzo tsha ñamusi. Musi tshivhidzo tshi tshi thoma, Mudzimu o kona u shumisa tshivhidzo, ngauri tshivhidzo tsho tevhedza Milayo ya Murena nga mafulufulu, tsha vhulunga khañhulo Dzawe dzothe na ndaela Dzawe, huno tsha phetha Milayo Yawe yothe. Huno Mudzimu o vha e na tshivhidzo. Fhedzi hu vhonala hu na fhethu hu shayaho nungo ho raloho vhukati ha tshivhidzo.

<sup>8</sup> Elelwani, a ri kha pikiniki, fhedzi ri nndwani. Vhathu vhanzhi vha tou elekanya uri musi vha tshi vha Mukriste izwo ndi zwenezwo fhedzi zwine vha tea u ita, uri izwo zwi a li ladza lini na lini, sa izwo vha Mukriste huno tshiñwe na tshiñwe tshi do da tshi sa kondi. Na kathihi izwo ni songo zwi dzhenisa ñohoni yanu. Ngauri, ndi vha Mukriste uri ndi lwe, u lwa nndwa yavhuñi ya lutendo. Ndi vha Mukriste, u dzhenia midavhini ya nndwa. Ri maswole a Tshikriste, huno ri tea u pfumbudzwa na u aluswa, nahone ra ñivha ngona dzothe dza swina, u ñivha uri hu nga khwañhiswa hani, u ñivha uri hu—hu nga lwiwa hani nndwa. Huno ri nga ita izwo fhedzi Muya Mukhethwa u tshi do ri dzumbululela. Ri nga si dzhie zwine luñwe lushaka lwa ri vhudza zwone musi ri tshi ya nndwani, miñwe ya mihumbulo yavho. Fhedzi ri tea u dzhia mihumbulo yashu, nga ndila ine Muya Mukhethwa wa do ri laya, na mihumbulo ine Wa do ri nea yone, ngauri ndi Wone Mulangammbi Muhulwane wa mmbi ya Vhakriste.

<sup>9</sup> Simisoni o ita zwavhuñi, o vha e munna muhulwane u swika a tshi thoma u, a tshi thoma u nga (ri do zwi vhidza) u vha a sa fhulufhedzei u mona hoñhe, u swika a tshi thoma u bva ñisini lawe. Huno tshivhidzo tsho gidima zwavhuñi, nahone tsho luga tshoñhe u swika vha tshi thoma u bva ñisini lavho. Simisoni u thoma u ambisa. Huno o vha a sa khou ambisa vhasidzana vha Israele, o thoma u ambisa vhasidzana vha Vhafilista.

<sup>10</sup> Huno izwo zwi nga zwi fana na zwe tshivhidzo tsha ita. Na kathihi a tsho ngo thoma u funa vhatsho, tsho sala murahu vha sa tendi huno tsha thoma u ambisa vha sa tendi. Afho ndi hone he ra ita khakho dzashu khulwane, nahone iñwe yadzo khulwanesa, ndi musi tshivhidzo tshi tshi thoma u ita zwithu zwe zwa vha zwi songo luga. Tsho thoma u vha kha, vhunga Simisoni, tshigwadani tshivhi.

<sup>11</sup> Simisoni, musi a tshi khou di vha tshigwadani tsha vhathu vha Murena, o ita zwo lugaho tshoñhe. Fhedzi musi a tshi thoma u ambisa tshigwada tshivhi, zwenezwo a dzhena vhulemeni.

<sup>12</sup> Huno iyo ndi n̄dila ine zwa vha ngayo kha tshivhidzo. Musi tshivhidzo tsho vha tshi tshi khou tevhela nga ̄thonifho nahone ̄duvha na ̄duvha tsho rangwa phanda nga Muya Mukhethwa, Mudzimu o vha fhāutshedza, huno madembe na zwiga na zwimangadzo two tevhela tshivhidzo. Fhedzi musi tshi tshi thoma u vha na tshigwada tshivhi, na shango! Tshiñwe tsha zwithu two vhifhesaho zwe tsha ita, na zwithu zwa u thoma zwe tsha ita, tsho thoma u dzudzanya, tshi tshi kwasha vhūtama vhukati ha vhañwe vhatendi, ngauri vho wanulusa uri tshakha dzo vha dzo dzudzanya. Fhedzi aya Mafhungo-madifha mahulwane ho ngo kumedzelwa lushaka luthihi kana vhathe vhathehi. O kumedzelwa kha “ane a funa, kha de,” tshakha dzōthe, mifuda, dzindimi, na vhathe. Mudzimu na kathihi ho ngo ̄oda uri rine ri ite mikano.

<sup>13</sup> Fhedzi vhathe vho ̄oda u fana na, vha a vhambedza, kana u edzisa, u tshimbila vhunga zwine sha—shango la ita, vha amba zwithu zwine vha ita, vha bvelela nga n̄dila ye vha bvelela. Na kathihi ri nga si bvelela ri tshi khou ita tshithu tshiñwe na tshiñwe tshine shango la ita. Ri nga bvelela fhedzi ri tshi tevhedza ndaela dza Mudzimu na ndila Yawe ya u ita zwithu. Na kathihi ri nga si ralo, nga u ̄ifanyisa na shango. Arali khamphani ya sigarete yo vha na u bvelela hayo huhulwanesa nga thelevishini, huno magogo a halwa na wisiki o vha na u bvelela hao huhulwane nga mviswa ya thelevishini, itshe a si tshiga tsha uri tshivhidzo tshi do vha na u bvelela hatsho nga thelevishini. U bvelela ha tshivhidzo hu kha u rerwa ha Mafhungo-madifha, ha Maanda a Mudzimu, na tsumbedzo ya Muya. Ri nga si kone u ri ngauri thelevishini yo itela khamphani ya sigarete *zwino-na-zwiła* na—na dziñwe khamphani! A ri na luñwe Luñwalo lwa u lingedza u vhambedza na avho vhathe. Huno musi ri tshi khou di ita, ri nga di kokodza nomboro khulwane dza vhathe, fhedzi izwo a si zwe Mudzimu a ta uri ri zwi ite. Ri elekanya uri ngauri ri mivhala yōthe, ri tshi fhufha n̄tha, madzangano mahulwane, ri tshi ita uri zwithu zwa muvhala zwihulwane zwi itee, uho ndi u bvelela. Ri khou fa ̄duvha na ̄duvha milenzheni yashu, ri tshi amba lwa maya! Arali ro vha ro ima ri vho khwathaho lwa milioni dza fumi matsheloni ano, huno Muya Mukhethwa wo vha u si na rine, ro vha ri tshi do ita zwavhudzi u ima ri vho khwathaho ri fumi ri na Muya Mukhethwa. Ri nga si kone u vhambedza na shango.

<sup>14</sup> Huno tshiñwe tsha zwithu zwa u thoma, tsho vha tshi tsha uri, tshivhidzo tsho thoma u didzudzanya. Dzangano la u thoma lo vha li tshivhidzo tsha Kātolika, huno zwenezwo ha da tshivhidzo tsha Lutere. Musi vha tshi dzudzanya tshivhidzoni tsha Kātolika u tshi ita dzangano, linwe ̄duvha ho vha na tshililo, “Vhafilista vha kha iwe, Simisoni,” huno Simisoni a khathukanya thambo dza mbofho dza tshivhidzo tsha Kātolika, huno Martin Luther a da na madzangano.

<sup>15</sup> Zwenezwo vha vhofha tshivhidzo nga iñwe thambo, sa Delila o ita. Huno vha thoma...vhudzuloni ha u vha na vhanna vho vhidzwaho nga Mudzimu, vhanna vho vhidzwaho nga Muya Mukhethwa; khamusi a vho ngo ñivha ABC dzavho, fhedzi vho ñivha Kristo. Zwenezwo tshivhidzo tsha thoma u vha na tshitaila, nahone tsha vhumbea u ya nga ha zwiambi zwa politiki. Huno vho do tea u nea vhareri vhavho “digirii ya vhudokotela,” muñwe na muñwe o do tea u vha Dokotela wa Divhavhurereli. Iyo yo vha i iñwe thambo ya u vhofha tshivhidzo. Vhanna vha a tuwa huno vha guda, seminari iñwe na iñwe i lingedza u bveledza tshikola tsha khwine uri zwivhidzo zwavho zwi kone u zuwa, “Mufunzi washu ndi Dokotela wa Divhavhurereli.” Huno vho itani? Muñwe u lingedza u vha na ndivho yo engedzeaho u fhira muñwe. Zwo luga, izwo a zwi ambi tshithu mañoni a Mudzimu.

<sup>16</sup> Huno a hu na thođea ya uri muñwe muthu-vho a lingedze u dzhia ndivho yawe ya shango huno a vhuya a takadza Mudzimu ngayo. Ndi vhułudzi mañoni a Mudzimu! Ni nga si takadze Mudzimu na kathihi nga zwipikwa zwa shango na ndivho, ngauri “ndi vhuswina kha Mudzimu,” Luñwalo lu ralo. A nga si zwi ite.

<sup>17</sup> Huno muñwe na muñwe u lingedza u vha na ndivho yothe. Vha ñivha fhedzi zwine vha tea u ita na maipfi ane vha nga a amba, huno zwi vha tshipitshi tsha politiki fhedzi vhudzuloni ha mulaedza wo sumbedzwaho nga maanda, wa Muya Mukhethwa une wa nwelela kha mbilu ya muthu huno wa tumbula zwivhi zwawe. Vho pfumbudzelwa zwipitshi zwa politiki, huno riñe a ri todi izwo. Paulo o ri, “Ipfi li da kha riñe, hu si fhedzi... kana, Mafhungo-madifha, nga Ipfi fhedzi, fhedzi nga Maanda na u vhonadzwa ha Muya Mukhethwa.” Izwo zwo ñisa Mafhungo-madifha, a tshi khou sumbedza maanda a Muya Mukhethwa! Fhedzi avha vhanna vhothe vha ya dziseminarini huno vha guda pfunzo khulwane, nga ndila ine vha fanela u ima phanda ha vhathu, nga ndila ine vha fanela u dñahisa, nga ndila ine vha fanela u ambara ngayo na nga ndila ine vha fanela u difara ngayo, a vho ngo tea u shumisa luambo lwo khakheaho. Zwino, izwo zwo luga kha tshipitshi tsha politiki, fhedzi a ri murahu ha maipfi a takadzaho a muthu. Paulo o ri, “Mafhungo-madifha ane nda a rera ho ngo da nga u ralo, fhedzi A da nga u vusuludza ha mu—Muya Mukhethwa na Maanda a dzitsumbedzo.” Ha di nga tshipitshi tsho vhumbwaho zwavhudi, uri vhutali hanu vhu vhe, kana fulufhelo lañu li do vha kha vhutali ha muthu. Fhedzi a da nga tsumbedzo dza Maanda a Kristo o vuwaho. Ayo ndi Mafhungo-madifha, “U Mu ñivha nga Maanda a mvuwo Yawe.”

<sup>18</sup> Muñwe na muñwe u lingedza u elekanya uri o thanya zwiñku u fhira muñwe munna, dinomineisheni iñwe na iñwe. Vhametħodisi vha do ri, “Ri na munna o thanyesaho.”

Mubaphuthisi u do amba, na tshivhidzo tsha Kristo, na zwiñwe-vho, zwone zweþhe, “Riñe, ro thanyesa. Riñe, vhathe vhashu—vhashu, a ri sokou tendela munna zwawe a tshi bva huno a rera Mafhungo-madifha.” Fhedzi vha vha fula nga tshanda. (Oo Mudzimu, ivha na khathutshelo!) Vha fuleni nga tshanda; arali vho pangiwa mañwalo e na iñwe pfunzo, zwenezwo vha vha dzenisa tshivhidzoni. Mudzimu a nga si mu kwame nga ndila ifhio na ifhio. Ndi ɻoda muñwe a tshi ntherela zwe zwa fulwa nga tshanda nga Muya Mukhethwa, Mudzimu a vusa, hu si u fulwa nga muthu kana dzidinomineisheni.

<sup>19</sup> Nđivho yoþhe! Vha ri, “Oo, ri ðivha zweþhe nga Halo,” huno vhañwe vhavho a vha ðivhi alfabetu ya u ðoma ya Muya Mukhethwa. Vha a Li landula.

<sup>20</sup> Zwi nkhumbudza bugwana ye nda vhuya nda i vhala ñiñwe duvha ngei California, miñwaha i no ɻodou swika ya fumi yo ðhiraho. Ndo i wana vhengeleni la dzibugu la kale. Ndi hangwa uri muñwali o vha e nnyi. Yo vha i tshi tou vha bugwana ya sente dza fumi, fhedzi yo vha i na muñwe muhumbulo wavhuði khayo naho yo vhonala i ya miswaswo na ya maano. Fhedzi, ndo wana tshiñwe tshithu ngomu heneffo tsho pfalaho tshi tshi nga Mudzimu, kha nne. Huno iñwe ya nganea ðukhu yo thoma ngaurali. Nga mañwe matsheloni hokoni khûlwane ya dzikhuhu, ho vha hu na muñwe mukukulume muñuku we wa elekanya uri u na nđivho yoþhe ye ya vha i tshi tea u dihwa. Ngauralo u fhufhela ntha ha bogisi huno wa rwekanyisa mulomo wawo muñuku na bogisi, luña kana luñanu, wa posela murahu ðohoho ðukhu yawo huno wa lila vhunga na kathihi a ni athu pfa mukukulume u tshi lila. Huno dziñwe, wo kunga tshenzhemo yadzo, huno wa ri, “Vhafumakadzi na dzinzingha dza iyi hoko ya dzikhuhu, ndi do takalela u amba na vhoinwi noþhe matsheloni ano nga ha iñwe mbekanyamushumo khulwane ya pfunzo ine ra kha di bva u i pulana.” Ha pfi, “Ndo ɻoda nđivho nnzhi u gudani hanga,” u tshi khou kokodzelza ngilasi dzaho ðukhu kha mulomo wawo. Huno wa ri, “Ndo dzhia phetho ya uri riñe dzikhuhu ri nga ðikhwinisa nga nđivho yo engedzeaho. Ngauralo-ha, ndi nga ni vhudza uri hune, arali ri tshi do gwa huno ra shuma kha iñwe hoko kana mulindi, ri do wana iñwe vitamine i no do ri ita uri ri lile lwa khwine, mithenga yavhuði. Huno, oo, ndi nga ni vhudza uri ri ñikhwinisa hani nga ndila nnzhi dzo fhambanaho.”

<sup>21</sup> Huno zwipambo zwi na miñwenze miñuku mitswuku yazwo, zwa sokou kekeha huno zwa ri, “Naa a si wona mufunwa?” Huno zwa vhukuma zwa u tama. “Oo, ndi mukukulume wo ɻalifhaho hani!” Zwi nkhumbudza vhañwe vha avha vhareri vha seminari hafha. “Munna o ɻalifhaho nga u ralo! A hu na ðodea ya uri ri ɻwe na dziñwe khuhu, roþhe ri tea u ɻuwa nawo.”

<sup>22</sup> Zwo luga, mukuku muṭuku u sa athu fhedza tshipitshi tshawo, ho vha hu na iñwe khuhu ḫukhu ye ya vha i si na mithenga i penyaho nga u ralo, ya dā i tshi khou gidima i tshi bva hunwe dzharatani ya dzikhuhu, huno ya ri, “Vhatukana, lwa tshifhinganya! Ndi kha di bva u pfa mafhungo-swa kha radio. Khuhu dzo gonya nga sente nña kha phaundu, rothe ri khou ya u thavhiwa matshelo! Naa ndivho yanu i khou yo farisani?”

<sup>23</sup> Mukomana, ndivho yothe ine ri nga i kuvhanganya, naa i farisani? Ri tshikani ya fithi dza rathi! Rothe ri khou fa nga dziintshi na nga miniti. Ndīvho yashu a i ambi tshithu. Ri ṭoda u Mu divha. Fhedzi vha ita izwo.

<sup>24</sup> Vhunga ndo vha ndi tshi khou amba tshiñwe tshifhinga tsho fhiraho nga ha tshiñwe tshiñoni tshiñuku tsha tshirulwane, huno tsho elekanya uri tsho divha ndivho yothe i no—i no tea u ḫihwa, huno tsha divha zwinzhisa zwe tsha kona u vhudza zwiñwe zwiñoni zwiñuku nga ha vhathu. Ngauralo tshi fhufhela n̄tha ha kheidzhi yatsho huno tsha thoma u amba nga ha muthu, nga ndila ye tsha divha zwothe nga havho. Huno, nga u ḫavhanya, phurofesa a bvaho Purdue a dā huno a thoma u amba mañwe maipfi o pholishwaho zwa n̄tha khatsho, huno itsho tshiñoni tshiñuku tsha poidza maṭo atsho nahone tsha rembulusa ḫohoho yatsho huno... Zwino, tsho vha tshi na maṭo, tsho kona u vhona phurofesa. Tsho vha tshi na dzindevhe, tsho kona u mu pfa. Fhedzi, a hu na zwiñwe, a tsho ngo divha zwe tsha vha tshi tshi khou amba nga hazwo. Ndi ngani? Tshi na vhuluvhi ha tshiñoni tsha tshirulwane. Tshi tou vha na vhuluvhi ha tshiñoni. Ndi zwenezwo fhedzi zwine tsha vha nazwo. A tshi na vhuluvhi ha muthu, ngauralo a tshi koni u elekanya sa muthu.

<sup>25</sup> Huno na muthu a nga si elekanye sa Mudzimu! Ni muthu, huno ndivho yothe ya shango a i fhiru vhuluvhi ha tshiñoni tsha tshirulwane. Zwothe zwine na ita, ni sokou divhaisa ngazwo. Ni tea u vha na ḫalukanyo ya Kristo.

<sup>26</sup> Tshi itisaho uri vhathu vha tuwe huno vha vha mirađo ya madzangano, huno vha ita u khadana tshiimela tsha mbebo ntswa, vha khou lingedza u tinya mbebo ntswa. A vha ṭodi mbebo ntswa. Huno vha—vha zwi divha uri ri a i funza Bivhilini, ngauralo vha ṭoda u ita tshiimela tshay. Huno vhathu vha Pentekoste na vhone ndi vhavhi, vha tshi khou lingedza u ita tshiimela tsha tshiñwe tshithu! Vha tshi ṭoda tshi kha maimo. Tshi tea u tou vha maimoni nga u ralo, “Ri do khadana na u vha mirađo ya tshividzo, huno ra shashiwa kana ra lovhedzwa,” kana tshiñwe tshithu. Vha ofha mbebo ntswa. Nga tshiñwe tshifhinga ndi elekanya uri Thaberenakele ya Branham i khou i ofha!

<sup>27</sup> Zwino, rothe ri a zwi divha uri mbebo, a thi londi hune ya vha hone, kana ngafhi, hune ya vha hone, ndi tshika. Arali lushie lwo bebwā n̄tha ha thulwi ya maṭanga, fhasi hu

kondaho, kana lufherani lwa sibadela lwo nakiswaho nga phinki, ndi tshika, naho zwo ralo. Mbebo ya ɳamana, mbebo ya tshiñwe tshithu-vho, ndi tshika.

<sup>28</sup> Huno mbebo ntswa a si tshiñwe tshithu nga nnnda ha tshika! Fhedzi vhatu vha a huduluwa nga maanda, “Ri ḋo ya ngei hune vha khađana. Ri ḋo ya ngei hune vha sa hambekanye na u lila, huno vha rwa kha alitari nahone vha lila.” Ni ḥoda u vha muthu lwo kalulaho! Tshine ra tshi ḥoda ndi mbebo, u fa tshothe, izwo zwi bveledza Vhutshilo!

<sup>29</sup> Mbeu, ḫabula ḥa kale, mbeu ya ḫabula, dzhiani ilo ḫabula huno ni li dzhenise mavuni. U swika ni tshi nga vha na mađabula maswa, ilo ḫabula ḥa kale li tea u sina. Livhele li nga si kone u bveledza vħutshilo vħuswa u swika li tshi sina.

<sup>30</sup> Huno munna kana musadzi a nga si kone u vha na mbebo ntswa na kathihi u swika u ḫalifha havho na vħune havho ho sina, ho fa, hu tshi fa tshothe kha alitari, na u zhamba, ha tshikafhala tshothe, u swika fħethu hune u huduluwa ha bva kholoroni yañu, huno na bebwahafhu nga Muya wa Mudzimu. A thi londi arali ni tshi tħavha mukosi, na amba nga dzindimi, na fħufhela nħha na fhasi, na phuphudzika sa khuhu yo tumulwaho thoho, ni khou bveledza Vhutshilo vħuswa! Fhedzi ro vhu itela tħiimela, ri ḥoda ndila ya maimo, ngoho.

<sup>31</sup> Liñwe ħuvha, Lavħuṭanu, nne na mufumakadzi ro vha ri tshi khou ya vhengeleni. A thi khou amba u ombedzela ili. Fhedzi musi ri tshi tsa nga tħiżara ta, nda dzulela fħedzi u rembulusa ḥoħo yanga u bva thungo iñwe u ya kha iñwe, vhasadzi vhe fħedzi. Ndo fulufħedzisa Mudzimu musi ndo vha ndi munna wa bofu, arali A tshi do fħodza maṭo anga ndi do sedza kha tshithu tħo lugaho. Huno ndi na tħiħambano tħiżuku tshi nembelelaho modoroni wanga. Musi ndi tshi vħona zwi no nga zwenezwo, ndi sedza kha tħiħambano huno nda ri, “Oo Mudzimu, Uvho ndi Vħushavħelo hanga,” ndo sedza kha tħiħambano.

<sup>32</sup> Nda vħona avho vhasadzi. Meda a ri, “A ro ngo vħona musadzi na muthihi ɳamusi a re na tħikete.” Huno a ri, “Bill, sedzani kha uļa musadzi hangei e na ayo mabanndanyana u mona na tħipida tsha nħha tsha muvhili wawe,” huno a ri, “ni ḥodou mmbudza uri uyo musadzi ha zwi ħivhi uri izwo zwo khakhea?” Ha pfi, “Arali a sa zwi ħivhi uri zwo khakhea, zwenezwo o xelewha nga ħalukanyo yawa.”

<sup>33</sup> Nda ri, “Lwa tħiħfinganyana, mufunwa. Ndi Muamerika, u ita sa Vhaamerika vha tshi ita.” Nda ri, “Ndo vha ndi Finland tħiħfinganyana tħo fħirah, ħinga ja mbilu yanga.”

<sup>34</sup> Huno nda vhudzisa munna we a nnzudza fhasi, Dokotela Manninen. Huno ro vha ri tshi khou ya mabafuni a mu—mutakalo, a no vhidzwa sauna, huno vha a ni dzhenisa ngomu huno vha ni shela mađi a fħisaho, kana mađi kha

matombo a fhisaho, huno zwi tou ni bvisa biko. Zwenezwo vha ni ita uri ni fhufhele mađini o xwatuwaho, huno zwenezwo na bva hafhu. Zwenezwo ná dzhiwa na dzheniswa lufherani, huno hu na vhaongi ngomu heneffo, vhasadzi vha no huja vhanna (huno vhone vhe fhedzi), vha vha vhuyedzedza tivhani. A tho ngo dzhenia. Huno nda ri, "Dokotela Manninen, izwo zwe khakhea."

<sup>35</sup> A ri, "Zwo luga-ha, Vhafunzi Branham, izwo zwe khakhea. Zwenezwo mini-ha nga ha madokotela aŋu a Amerika a no do bvula musadzi a sala e fhedzi huno a mu ejedza tafulani, a thathuvha murado muňwe na muňwe wa vhu—vhudzékani une a vha nawo? Naa zwi hani zwa vhaongi vhanu zwibadela?"

<sup>36</sup> Nda ri, "Mpfareleni, Mukomana Manninen, Manninen, ni kha ngoho."

<sup>37</sup> Naa ndi mini? Ndi mikhwa. Musi ndo vha ndi Paris ndo Ძodou sa zwi tenda, zwauri mabunga a vhanna na vhasadzi o vha e mathihi. Ndo kundelwa u zwi pfesesa, zwauri phera dza vhuawelo dzo vha dzi nga thungo ya tshiṭarata dza vha tshinnani na vha tshisadzini. Ndo kundelwa u tenda uri musi vhasadzi vho ya bitshini u yo bambela, mutukana na dinga la mbilu yawe, vho vha si na phera dza u ambarela hone, vho tou bvula zwiambaro zwavho zwothe u swika nga tshiambaro tsha u fhedza, zwenezwo vha rembulusa mičana yavho huno vha ambara banndanyana huno vha ya u bambela, fhedzi zwe ralo. A vha zwi dzhieli tshenzhemo. Ndi mikhwa wa Fura.

<sup>38</sup> Ngei Afurika, vhasadzi na vhanna, vhaswa na vho aluwaho, vha si na na zwiambaro na luthihi, vha tshi khou tshimbila kha luťandala. Na kathihi a vho ngo zwi ḋivha uri lufhera lwa vhuawelo ndi mini, kana zwithu, kana muňwe a si vhe mađoni a muňwe. Fhedzi a vha ḋivhi phambano. A vha ḋivhi phambano. Fhedzi ndi mikhwa ya tshakha.

<sup>39</sup> Fhedzi nda ri, "Mufunwa, ro fhambana, ri bva kha luňwe Lushaka. Ri vhafhiri na vhatsinda fhano, izwo ndi zwine zwa ita uri izwi zwithu zwi vonale zwe khakhea zwingafho. Ngauri Bivhili yo ri, 'Vha no ḋiamba nga u ralo, vha amba uri, vha sumba uri ndi vhafhiri na vhatsinda, vha khou Ძoda muđi u ḋaho.'"

<sup>40</sup> Munna kana musadzi ngei Italy, ngei Fura, ngei Afurika, kha luňwe lushaka-vho, lwe lwa vhuya lwa bebwa hafhu nga Muya Mukhethwa, a vha iti izwo zwithu. Vha nga si ambare izwo zwiambaro. Vha nga si ḋifare nga u ralo, ngauri ndi vha luňwe Lushaka lune Muvhusi na Muiti Walwo ndi Mudzimu. Ri bva Ṭadulu. Muya u re ngomu hanu, u tuťuwedza vhutshilo hanu. Arali ni Muamerika, ni do ita sa Vhaamerika vha tshi ita. Arali ni Mufura, ni do ita sa Vhafura vha tshi ita, huno na sasalandza muňwe. Fhedzi arali ni wa Mudzimu, ni do ita nga ndila ine vha ita Ṭadulu, ngauri Muya waňu u bva N̄tha huno U a ni langa.

<sup>41</sup> Tshiñwe tshithu tshiñuku tshine ni nga tshi sedza. Luñwaloni, avho vhe vha ḥoda uyu Mudī muswa, vho difara nga ndila yo fhambanaho. Vho diamba uri vha vhafhiri na vhatsinda. Fhedzi kha sia la Kaini, vha vha vhatendeleki na mashandukwa. Fhedzi Vhakriste vho vha vhe vhafhiri na vhatsinda. Mutendeleki ha na haya, lishandukwa ndi muthu muvhī. Fhedzi mufhiri ndi tshiñwe tshithu tsha vhukuma, nahone tshi bvaho shangoni la vhukuma kha luñwe Lushaka, a tshi khou lingedza u wana ndila yawe ya u ya Hayani, a tshi amba nga u tshila hawe uri ù na tshiñwe tshithu u bva kha liñwe Shango. Tshiitisi ngetsho.

<sup>42</sup> Fhedzi naho zwe ralo avho vhathu vha no ita nga u ralo, avho vhathu vha ambaraho izwo zwithu, i ri ni ndi ni vhudze. Ngei Afurika Tshipembe, musi ndi tshi vhona vhahedeni vhadaladala vha zwigidi zwa furaru, vhe fhedzi, ngwaniwapo vha ambaraho mabai. Vhasidzana vha fumirathi-, fumimalo-, vha miñwaha ya fumbili, vhatukana vha si na na tshitishti tshithihi tsha zwiambaro, vho ima heneffo vhe na thophe zwifhafuwoni zwavho, huno vho penndiwa, marambo o phuletshedza ningoni dzavho, na buloko dza thanda dzi tshi nembelela ndevheni dzavho, na marambo a muthu o itaho tshifhambano kana mañwe marambo mavhudzini avho, mano a dziphukha o nembelela khavho, vha tshi da vhe fhedzi shangoni, huno vha sa zwi ḫivhi. Fhedzi musi vho ḫanganedza Kristo, huno vha wa nga tshifhafuwo tshavho nahone vha ḫanganedza Muya Mukhethwa, vho takuwa nahone vha peta zwanda zwavho u fara thoni khanani dzavho, vha tshi tuwa nahone vha wana zwiambaro zwa u ambara. Ndi ngani? Vha vha vhafhiri na vhatsinda kha lino shango. Hañluya! Vho vha vhe kule Nae. Ee, muñe wanga.

<sup>43</sup> Oo, ee, avha vhathu vha ḫividza Vhakriste. Ndi vha zwivhidzo. Vha a tuwa huno vha ri, "Ri Vhamethodisi. Ri Vhabaphuthisi. Ri Vhapentekostała. Ri Seventh-day Adventist. Ri *itsi, itsi, na tshiñwe.*" Izwo a zwi na mushumo nazwo. Muya wañu, vhitshilo vhu re kha inwi, vhu a tuwedza nahone ha amba zwine na vha zwone. Yesu o ri, "Nga mutshelo wavho ni ðo vha ḫivha."

<sup>44</sup> Tshivhidzo tshi vho nga Israele, u thomani. Vho vhona tshakha dzothe dza vhahedeni dzi na khosi. Mudzimu o vha e Khosi yavho. Huno vho vhona tshakha dza vhahedeni dzi na khosi, ngauralo vho ḥoda u ḫifara vhunga tshakha dza vhahedeni, huno vha direngela khosi. Huno sa izwo vho zwi ita, vho dzhena vhulemeni. Nga zwiñuku la thoma u dzhena ngomu. Nga zwiñuku shango la thoma u dzhena phasi havho. Phedziseli zwa guma nga Ahaba. Inwe khosi i tshi khou di da tsini zwiñuku khalwo, tsini zwiñuku khalwo, huno phedziseli ya kwañula vhitshilo khavho. Huno heneffo vha ḫuwa. Huno musi Khosi ya vhukuma i tshi da, a vho ngo I ḫivha.

<sup>45</sup> Izwo ndi zwenezwo zwithihi zwe tshivhidzo tsha ita. Tsho didzhiela. Khezwo. Tsho didzhiela politiki, dzipfunzo. Tsho didzhiela madzangano, tshitshavha, zwivhidzo zwihiulu, vhareri vha matħakheni. Huno musi Khosi ya vhukuma i tshi da, a vha I divhi, huno vha khou vhamba wonoyo Muya Mukhethwa u re Khosi yavho. A vha Mu divhi, fhedzi vha a Mu sea nahone vha tambo Ngae. Vhunga Vhayuda vho ita Mesia wavho, tshivhidzo tshi khou ita Mesia watsho nga nqila yeneyo nthihi. A vha zwi divhi. A vha na u pfasesa ha maya, ngauri vho pangawa linwalo maṭoni avho na zwine vha vhona, zwifhato zwihiulwane, vha tshi khou lingedza u vhambedza na shango. Riñe na kathihi a ri eletschedzwi—eletschedzwi u vhambedza na shango. Ri eletschedzwa u dītukufhadza.

<sup>46</sup> Huno, muthihi u kha vhunzhi, kha Mudzimu. Huno namusi kha vhaevangeli vha fhodzaho nn̄da masimuni, hu na muṭatisano mungafho, vhaṭatisani. Muñwe u ri, "Zwo luga, fhaṭutshedzani Mudzimu, ndi na zwigidi zwingafha. Ndi na muṭangano muhulwane u fhira une na vha nawo." Naa izwo zwi ita phambano-de? Ri na muthihi kana milioni nthihi, naa zwi ita phambano-de? Naa ri vha ngoho kha Mudzimu? Naa ri vha ngoho kha Ipfi Lawe? Naa ri a ima fhasi ha ndingo ya Muya Mukhethwa? Naa ndi ngoho? Itsho ndi tshone tshithu tshihulwane.

<sup>47</sup> Fhedzi ri a leludza kha Bivhili. Vhunzhi ha vhatu vhashu vha Pentekoste, kha Pfundo dza mutheo wa ino Bivhili, vha a leludza. Hu na... a thi ḥodi u vhaisa vhudipfi. Ndi kha tshivhidzo tshanga, huno ndi pfa uri ndi—ndi nga ita fhedzi mini, tshivhidzoni tshanga, ngauri ndi khou rera Mafhungo-madifha. Fhedzi hu na mahumi a zwigidi a vhareri vha Pentekoste vha no zwi divha uri a hu na tshithu tsho raloh Bivhilini tshi no nga ndovhedzo nga dzina ja "Khotsi, Murwa, Muya Mukhethwa." Ndi itela khaedu atshibishopo, kana muñwe muthu, u ntsumbedza he muñwe muthu a vhuya a lovhedzwa nga dzina ja "Khotsi, Murwa, Muya Mukhethwa." Fhedzi vha a leludza, ngauri madzangano o ita nga u ralo. A hu na na muthu na muthihi kha Testamente Ntswa, nahone lwa miñwaha ya madana mararu ngavhuya, nga divhazwakale, nga nn̄da ha we a lovhedzwa nga Dzina ja Yesu Kristo. Naa ndi mini? Dzangano. Illo lo zwi ita. U leludza!

<sup>48</sup> Huno namusi vho bvisa vhashumi vha tshiṭaraṭani kha zwiṭaraṭa. Vho bvisa thamborini tshivhidzoni. Vho dzhia vhugala hothe tshivhidzoni, huno vha wana u rera ha seminarini, u rera ha īwenze ya mukukulume muṭuku wa kale, wo pholishwaho tshothe tshitshavhani, huno vhasadzi vhavho vha tshi khou ambara dzishothi na rokho dzine dza pata lukanda Iwavho, huno vhanna vha tshi khou daha dzisigareṭe, na u gembula nahone vha tshi amba miswaswo ya tshika.

Ndi thoni maɔ̄ni a Mudzimu! Ndi a zwi divha uri izwo zwi a hwasa, fhedzi ndi tshifhinga tsha uri muñwe a ambe tshiñwe tshithu. U leludza, u dñekedza, u difara vhunga shango!

<sup>49</sup> A thi londi arali ndi tshi tea u ima ndi ndothe, ndi si na muthu nga nn̄da ha Mudzimu e ēthe, ndi do rera Ngoho ya Bivhili ya Mudzimu nahone nda I imela. Arali ndi tshi fa, ndi do di imela Ngoho. Zwa vhukuma. Ri ḥoda Ngoho. Ndi nga si diele u ya nga tshivhidzo, fhedzi u ya nga Ipfi la Mudzimu ndi ḥodou diela.

<sup>50</sup> Fhedzi Delila, naa no dzhiela nzhele, o zwi divha uri Simisoni o vha e na maanda. Huno ho ngo zwi divha he maanda a vha e hone. O kundelwa u amba zwe ayo maanda a vha e zwone, fhedzi ho vha hu na maiwe maanda mahulwane e Simisoni a vha e nao, huno o vha a tshi ḥoda u zwi wana. Huno, sa Delila, a dzulela u ḥodou ungeledza Simisoni nga lunako lwawe. Oo, a diambadza lwa vhudzekani zwa vhukuma. Huno a tshimbila phanda hawe nahone a sea-sea vhunga vhañwe vha vhaswa vha miñwaha ya fumi vha lino duvha, na—na zwiñwe-vho, huno a ḥoda u tou difara vhunga tshiñwe tshithu tshiñwe-vho, mudzia-u-sa-fuka, a tshi khou lingedza u ungeledza Simisoni khae.

<sup>51</sup> Izwo ndi zwithihi na zwe shango la ita kha tshivhidzo. Zwino Maanda mahulwane aŋu a ngafhi?

<sup>52</sup> “Zwo luga, arali ra dzudzanya, izwo zwi do vunda Maanda.” Tshivhidzo tsha Kałolika tsho zwi ita.

<sup>53</sup> “Fhedzi Vhafilista vha kha iwe, Simisoni.” Huno Luther a bva.

<sup>54</sup> Zwenezwo vha dzudzanya hafhu. “Arali ni tshi do mbofha nga iñwe thambo, i do mpfara.” Ngauralo vha ita.

<sup>55</sup> “Huno Vhafilista kha iwe, Simisoni.” Naa ho bvelelani? Wesley a bva a khathukanya dzithambo.

<sup>56</sup> “Zwino wo mphura tshifhinga tshothe. Naa a u zwi divhi uri ndi a u funa, Simisoni? Zwo luga, mmbudzeni ngoho i re mbiluni yanu.”

“Zwo luga, mbofheni nga iñwe thambo.”

<sup>57</sup> “Zwo luga, zwino ri do ita izwo.” Naa izwo ndi mini? Iyo ndi thambo ya dinomineisheni.

<sup>58</sup> “Ntendeleni ndi vhofholowe, uri a thi na dinomineisheni. Zwenezwo, ndi a ni vhudza, ni do vha no mvunda.” Ngauralo ha bva Vhapentekostała. Naa Maanda aŋu a ngafhi?

“Vhafilista kha vha vhe kha iwe.” Huno a khathukanya dzithambo hafhu.

<sup>59</sup> Fhedzi zwino ha bvelelani? Zwa wana Vhapentekostała, Madokotela a Divhavhurereli mahulu u itela vhafunzi vhavho, muñwe munna muhulwane. Vho wana tshikolo na nyitelatherelo sa Mumethodisi kana Mubaphuthisi, kana zwine

muńwe wavho a vha nazwo. No dzhena tshivhidzoni nahone a ni koni u pfa “amene,” hu tou rothola sa tshivhalonyana tsha Maeskimo henengei Poloni ya Devhula. U rothola! U sa vha na dzangalelo! “Huno zwino Vhafilista vha kha iwe, Simisoni.”

<sup>60</sup> Vhafilista vha kha iwe, Amerika. Naa uvho vhuthihi ha maya vhu ngafhi? Naa vhuthihi ha Pentekoste vhu ngafhi? Khuvhangano dza Mudzimu, na Yo Vhumbanaho, na tshivhidzo tsha Mudzimu, na *itshi*, *itsho*, *tshinwe*, *tshińwe* na *tshińwe* tshi na sisteme yo fhambanaho, *itshi* *tshińwe* tshi na *iyo*, huno *itshi* *tshińwe* tshi na *iyo*. Ro kwashékana u swika ni tshi nga dzhena mudini u yo fara mvuseledzo, arali *tshińwe* tshivhidzo tshi tshi i lambedza, zwińwe zwothe zwi nga si de. Makomunisi a kha inwi, Amerika.

<sup>61</sup> Naa Maanda ashu a ngafhi? Naa vhugala hashu vhu ngafhi? Naa ndi mini? Ngauri ro tevhela vhügli ha muthu vhudzuloni ha Maanda a Mudzimu! Mulandu, vho wana vhareri vhashu huno zwithu zwo omelela nga maanda na u huduluwa, u swika vho no ri dzudzanya u swika ri tshi vha na u huduluwa nga maanda na u oma mitsinga, u swika vhatu... Naa ni kha di vhuya na pfa mukosi tshivhidzoni? Na kathihi a ni tsha pfa muńwe muthu a tshi lila. Bannga ya mulidzi i vhewa kha basimenne. A hu tshe na vhugala tshivhidzoni. Zwothe zwine ra ita ndi u dzula murahu ra tou omelela sa zwine ri nga vha zwone. A ro ngo vhofholowa. Ro vhoxwa. Diabolo, na madimoni awe a musalauno, o vhofha tshivhidzo tsha Mudzimu a tshilaho. Izwo ndi zwone. A hu tshe na Maanda tshivhidzoni. A hu tshe na mbofholowo. Vhatu vha na u huduluwa nga maanda na u omelela! Mulandu, Mudzimu a nga kona u dzhena vhukati ha vhatu vha Pentekoste, huno a sumba uri Ene u Mudzimu, nahone a sumbedza zwiga Zwawe zwa mvuwo Yawe, a zwi vhuyi zwa vha dzinginyisa. Vhugala! Mulandu, ndi ḥoni! Ndi budekanya shango, Mudzimu a tshi khou shuma, a tshi khou ita zwiga, huno vhatu vha a dzula, huno, “Zwo luga, ndi a humbulela uri zwo luga. Oo, ndi a zwi divha uri zwi nga itwa.” A zwi vha dzinginyisi! Ndi ngani? Vho vhoxwa nga Delila, shango. Vha dzimbofholo.

<sup>62</sup> Zwino vho no vha dzenisa ngomu, vho vha vhofha ngomu ha dzangano. “Vhafilista vha kha iwe, Simisoni.” Naa ni khou yo itani nga hazwo?

<sup>63</sup> “Oo, ri na dzidinomineisheni khulwane.” Ngoho. “Ri na vhurađo vhuhulwane u fhira he ra vhuya ra vha naho.” Fhedzi Muya u ngafhi? Naa Muya Mukhethwa u ngafhi?

<sup>64</sup> Izwo ndi zwe diabolo a ita. O ungeledza ngomu tshivhidzoni. O dzulela u ungeledza tshivhidzo, “Ida kha nne, ndi do u nea thaberanakele khulukhulu hangeno arali u tshi nga tou ita *itshi*. Arali u tshi nga sunda uła mureri wa vhusweleli ho kalulaho ane wa vha nae, huno wa wana munna, Dokotela wa Divhavhurereli ane a vha na u ḥalukanya,

ri do fhaṭa kereke yavhuđi khulu ya maimo huno ri do nga vhańwe vhothe.” Shonee! Ni nga namba na vha na munna we a sa ḏivhe u pađula ḫawa uri hu bve gofhi, fhedzi o dala Muya Mukhethwa, we wa sa leludzwe, nga Maanda a Mudzimu.

<sup>65</sup> Fhedzi tsho no vha, oo, nga maanda na u huduluwa, u swika muńwe mukhethwa a ḫungufhadzaho a tshi nga phamuwa mučanganoni huno a amba nga dzindimi, kana a tavha mukosi zwitukunyana, kana a ita tshińwe tshithu, huno vhańwe vhothe vha do imisa mitsinga huno vha sedza. “Naa ho vha hu mini? Zwo ralo, ndi a mangala uri ndi ngani? Uyo u fanela u vha e musweleli o kalulaho o rothelaho ngomu huńwe fhethu.” Ni a zwi ḏivha uri izwo ndi ngoho! Muńwe mukhethwa a ḫungufhadzaho o dzhena, a takala lwo edanaho u imisa zwanda zwawe, huno a lila nahone a renda Murena, muńwe a no do huwelela “amene” kha u rerwa ha Mafhungo-mađifha, huno vhańwe vhothe vha rembuluwa huno vha vhona zwe a amba. Avho ndi Vhapentekostała. Naa thaidzo ndi mini? Ni khou difanyisa na Mumethodisi, na Mubaphuthisi; vho difanyisa na Katolika; Katolika yo difanyisa na vhudzulavhafu. Huno, zwothe zwo ḫangana, zwothe zwi nga vhudzulavhafu! Ndi zwone.

<sup>66</sup> Delila o ni ungeledza ngomu zwivhidzoni zwihiulu, zwavhuđi, vhashumeli vho funzeaho, u dzhia maimo a khwine. “Zwo ralo, ni a ḏivha, *Mukenenene* afha fhasi ndi mumilionere, arali ri tshi nga tou mu wana uri a dzhene tshivhidzoni tshashu! Yawee, nnenę!” Arali a songo bebwa hafhu, zwenezwo ha tei u vha heneffo. A thi londi arali e na dolara dza milioni. Arali e na Cadillacs dza fuiňa, tshińwe na tshińwe tshine a vha natsho, u tea u bebwa hafhu, a da heneffo fhasi kha mbebo ntswa huno a itwa muswa nga Muya Mukhethwa, huno a bva heneffo e kha mbebo ntswa, a tshi khou vhudzula (ni mpfarele), a tshi khou lila na u tavha mukosi, na u bvela phanda u fana na vhańwe vha tshi ita, huno vha tshila vhutshilo ngavhuya u sumbedza uri u Nawo. Amene. Izwo ndi zwine na ḫoda.

<sup>67</sup> “Simisoni, Vhafilista vha kha iwe.” Makomunisi a kha iwe. Shango li kha iwe. Diabolo u kha iwe.

<sup>68</sup> Vha vhuyelela murahu huno vha vhona Muya wa Mudzimu u tshi ita mađembe nahone wa ita zwithu zwa mvuwo Yawe, zwe Yesu a fulufhedzisa, vha ri, “Ni a ḏivha, ndi elekanya uri Mukomana Branham u na u vhala muhumbulo hunzhi. Mufunzi wanga o ri zwo vha zwi zwa diabolo.”

<sup>69</sup> Iwe a ḫungufhadzaho, wa muhoi, mudzia-u-sa-tenda o xelaho, o pholishwaho tshothe, iwe phele i re ngomu ha zwiambaro zwa nngu! Yesu o ri, “Arali no Nndivha, no vha ni tshi do vha no divha duvha Langa.” Fhedzi ni na tshivhalonyana tsha vho-Saulo vha no lingedza u ni ita vhunga shango ḫothe.

<sup>70</sup> Ri ṭoda tshivhalonyana tsha vhanna vha Mudzimu vha sa leludzi kha Ipfi, fhedzi vha rera Ngoho nahone vha ima kha ndovhedzo ya Muya Mukhethwa.

<sup>71</sup> Fhedzi shango lo itani? Lo vheula Maanda anu othe. No bebwa ni Munazaretha, Pentekoste, fhedzi zwa vhukuma shango lo vheula Maanda anu. Zwino tshi tou vha tsho huduluwaho sa zwiñwe zwothe.

<sup>72</sup> Naa ri khou yo itani? Naa hu khou yo bvelelani? Hu na tshithu tshithihi tsha vhugala tshine ndi nga tshi elekanya u ita uri ndi phethe ili linwalwa.

<sup>73</sup> Musi Simisoni o vhoxwa! Ri nga si vhe na mvuseledzo. Thetshelesani mukomana washu a fulufhedzeaho, Billy Graham, “Mvuseledzo kha ḫuvha ḫashu!” Thetshelesani Oral Roberts a tshi zhamba, “Mvuseledzo kha ḫuvha ḫashu!” Thetshelesani vhaiñwe vhavho vhothe, “Mvuseledzo kha ḫuvha ḫashu!” Naa ri nga vha hani na mvuseledzo ngeno ro vhoxwa? Ro vhofha Muya Mukhethwa, nga madzangano ashu na maitele, huno ri nga si vhe na mvuseledzo ya Muya Mukhethwa. Amene. Ndi a zwi divha uri hu a fhisa lune ḫa gotsha, nga mutsho, fhedzi ndi Ngoho. Naa ri nga vha hani na mvuseledzo ya Muya Mukhethwa ngeno no vhoxwa nga maanda nahone ni na u huduluwa! “Tshifanyiso tsha u ofha Mudzimu,” Bivhili yo ri vha do vha natsho. “Tshifanyiso tsha u ofha Mudzimu, fhedzi vha tshi do landula Maanda aho.” Maanda a mini? Maanda a dzangano? Maanda a shango? Maanda a tshivhidzo? Maanda a Muya Mukhethwa! Afho ndi hone fhethu ha vhudzumbamo tshivhidzoni. Huno musi tshivhidzo tshi tshi ḫidzhiela vhareri vho funzeaho, na zwifhañzo zwiñhulu na khavhisó, vhudzuloni ha Muya Mukhethwa wa tshikalekale, vha do vha khwine u vha kha vhurumiwa hafhu. Amene. Ngoho. Naa ni khou yo vha hani na mvuseledzo ya Muya Mukhethwa, huno vhatu vha tshi U dzima na u U vhofha nahone vha tshi U ofha? Henefho ndi hone hu re na vhuleme.

<sup>74</sup> “Vhafilista vha kha iwe.” Fhedzi fhulufhelo lithihi lo fhatutshedzwaho line ra vha nało, musi Simisoni o vha e dzhele... .

<sup>75</sup> Naa ndi mini tshithu tsha u thoma tshe vha ita musi vho mu fara? Vho mu vhofha, u thoma. Vho dzhia maanda awe, vha wana tshiphiri tshawe. Vho wana tshiphiri tshanu. Shango lo wana tshiphiri tshanu. Zwino vhoinwi vhasadži nothe ni fhungudzela mavhudzi anu, zwi fana na shango. Vhoinwi vhanna nothe ni a ḫuwa huno na ḫifara vhunga shango. Ndi zwe lugaho, ni amba miswaswo na miswaswo ya tshika, huno na bva na daha sigarete dzi si gathi, huno na bva na vhfumakadzi vha vhadzulatsini, na tshiñwe na tshiñwe-vho nga u ralo, tshinwiwa tshiñku tsha matshilisano u fara mushumo wañu. Ndi nga ḫamba nda shuvhama nga thumbu yanga huno nda ḫa makokisi a soda huno nda nwa

madi a kudambwana, huno nda dzula ndo kuna nahone ndo tampa phanda ha Mudzimu, u fhira u leludza u itela luñwe lushaka-vho lwa mushumo. Izwo ndi zwone. Ngoho. Dzulani ni tshi fulufhedzea kha Mudzimu.

<sup>76</sup> “Simisoni, Vhafilista vha kha iwe.” Thaberenakele ya Branham, sisteme ya shango i khou kokovhela ngomu vhukati hanu. Mini-ha nga hazwo? Naa no tana tshiphiri tshañu? Naa no tana tshiila tshiphiri tshe Mudzimu a ni ɻea musi no vha ni tshi khou vhumbuluwa ngei kha manyelo a saha miñwaha i si gathi yo fhiraho? Naa no tshi litsha tsha kokovhela nn̄da na u luvha ha vhathe, ha maitele? Naa ho bvelelani kha inwi? Mudzimu a nga tsela fhasi huno a ita ðembe nahone a tsela fhasi vhukati ha vhathetselesi huno a vhudza vhathe zwiphiri zwa mbilu dzavho, na tshiñwe na tshiñwe, huno a fhodza vhalwadze na vha thupheaho, huno a ita zwiga na zwimangadzo, huno a rera Ipfi Lawe a tshi ðidina u ya nga hune a kona, nga Muya Mukhethwa; huno vhathe vha ri, “Zwo luga, ndi a humbulela uri izwo two luga. Ri qiphina nga u u thetselesa luthihi nga tshifhinganyana, arali ri songo netesa.” Iyo ndi Thaberenakele ya Branham. Vhafilista vha kha iwe.

<sup>77</sup> Ndi lini, he ha vha hu tshi anzela u vha zwone musi u rerwa ha Ipfi, na vhakhethwa vho aluwaho vhe na miñodzi mañoni avho, vho vha vha tshi ima nga milenzhe yavho huno vha tshimbila, vha pokotela, khamusi vha sa khou amba ipfi, vha tshi khou tou tshimbila u mona hoñhe, luhili kana luraru, huno vha dzula fhasi, vho dala Muya Mukhethwa nga maanda! Ipfi lo vha kanzwa! “Muthu a nga si tshile nga tshinnkwa fhedzi, fhedzi nga Ipfi liñwe na liñwe li bvaho mulomoni wa Mudzimu.” Vhafilista vha kha iwe, Thaberenakele ya Branham.

Vhafilista vha kha iwe, Mupentekostaña.

<sup>78</sup> A hu na zwiñwe, Vhafilista vho u wana, vhañwe vhanu nothe, tshifhingani tshilapfu tsho fhiraho musi ni tshi ðidzudzanya no khwatha nga maanda, a hu na tshe tsha vha tshi tshi nga dzhena nn̄dani ha musi no vha ni Mupuresbiterieni, Mubaphuthisi, Mumethodisi, Mukañolika, kana tshiñwe tshithu. No vha ni si nga vhi a si na mushumo na vhañwe vhoñhe.

<sup>79</sup> Ngauralo, mvuseledzo kha ñuvha ñashu? Naa ri nga vha hani nayo ngeno munei-wa-mvuseledzo o vhoxwa nga shango? Mudzimu a nga si ðzhene hune shango ja vha hone, ni nga di tou ditika nga lenelo. Ni ñowelana na shango, zwenezwo ndi—ndi zwoñhe zwañlo. Musi ni tshi tendela shango u kokovhela ngomu hanu, ni swika hune na ñifara sa shango, zwenezwo no fhela. Fhedzi musi ni tshi ðo tumula mbofho iñwe na iñwe kha shango, huno na ða kha Mudzimu, Mudzimu u ðo ni shumisa u swika ni tshi ya u ñambisa hafhu.

<sup>80</sup> Ngeli fhulufhelo fhedzi line nda vha nalo matsheloni ano, u khunyeledza Mulaedza wanga, ndi ili, "Musi Simisoni o vhoxwa, ho mela mavhudzi maswa."

<sup>81</sup> Mudzimu ri rumele tshinwe Tshivhidzo tshifhinga tsha vhufhelo tshi sa athu da, uri Maanda a Muya Mukhethwa a dzhene ngomu hatsho, nga tsumbedzo dza Muya, huno Marko 16 i do kona u tevhela Tshivhidzo, Mishumo 2:4, Mishumo 2:38, zwothe zwazwo zwi do vha zwi tshi khou tevhela henehfo na Tshivhidzo. Zwiga na zwimangadzo zwi fhelekedza vhaapostola. Zwiga zwi hulwane zwa muvovo Yawe zwi a vha fhelekedza. Musi ri dzhele, ngoho Mudzimu u khou alusa tshiliwa huwe fhethu, u itela u vhulaha huhulwane ha u fhedza. Ngavhe hu tshi vha inwi, khonani yanga ya Mukriste fhano matsheloni ano, ngavhe hu tshi vha nungo dzanu dzo no thomaho u aluwa. Ndi rabela uri uyu Mulaedza matsheloni ano, na nnda ngomu shangoni u swika hune uyu wa do ya, ndi fulufhela uri uyu Mulaedza u do thusa u disa vitamine kha sisteme yanu ine ya do alusa Maanda a mya murahu ngomu vhutshiloni hau hafhu.

Kha ri kotamise zwifha tuwo zwashu huno ri rabele.

<sup>82</sup> Oo Murena Mudzimu, Musiki wa Maqadulu na lifhasi, Musimuli wa Vhutshilo ha Lini Na Lini, na Muñei wa tshifhiwa tshinwe na tshinwe tshavhuđi nahone tsha mya, dzhia aya maipfi matsheloni ano huno u a vhee ngomu mbiluni, huno u a sheledze, Murena. Ngavhe vhathu vha tshi rabela nga ha izwi zwithu, ri tshi vhona uri shango lo ungeledza tshivhidzo huno phedziseleni lo wana Maanda atsho, la wana fhethu hatsho ha tshiphiri, la wana hune tshiphiri tshatsho tsha vha hone, huno lo no tshi vheula. Lo dzhia vhathu vhe vha vhuya vha ṭavha mukosi wa gundo luthihi, vhe luthihi vha vha na gundo, huno lo no vha vheula, kha u dzula hayani vhusiku ha Lavhuraru u sedza mbekanyamushumo ya thelevishini. Lo dzhia dakalo li re mbiluni dzavho, huno la vha nea lufuno lwa shango lwo engedzeaho u fhira lune vha vha nalwo kha Mudzimu. Lo vha nea shango lo engedzeaho, la zwa shango, lutamo lwo engedzeaho lwa vhumvumvusi ha shango u fhira u vha na u rerwa ha Mafhungo-madifha. Arali hu si na bennde khulwane na u bvela phanda hunzhi, na u zhamba na u bvela phanda, zwenezwo a vha ḥodi Mafhungo-madifha a kale, a vha tsha ralo, izwo zwi disa mitodzi ya dakalo kha mya, izwo zwi vhuisa phodzo ya Muya murahu, izwo zwi vhuyedzedza zwifhiwa zwa vhaapostola tshivhidzoni, izwo zwi dzenisa Kristo o vuswaho, Mesia wa lino dvuhva.

<sup>83</sup> Fhedzi vhunga Israele yo vha yo vhoxwa nga–nga khosi dzavho, lwe vha sa kone u tevhela Khosi ya vhukuma; huno Khosi ya vhukuma, musi Yo da, a vho ngo kona u I limuwa. Ngauralo zwo ralo ḥamus. Oo Murena, Khosi ya Vhugala yo bvelela nga tshivhumbeo tsha Muya Mukhethwa, huno, Murena, a vha zwi

divhi. A vha zwi limuwi. Vho dzudzanye lwo khwaṭhaho, lune a vha zwi pfectesesi, ngauri a zwiho kha dzangano ḥavho. Murena, uyu ndi mushumo wa diabolo we a ita izwi kha vhathu.

<sup>84</sup> Ngavhe Simisoni wa Mudzimu, ngavhe vha ngoho mbiluni, avho vha no khou ṭulutshelwa na u lila, na u kwengweledza na u farelela, ngavhe vha tshi dzula nazwo, Murena, u swika itshi tshiliṅwa tthiswa tshi si tsha aluwa, u swika hu tshi da dakalo hafhu ngei Tsioni, huno heneffo ha ḫa tshigwada tshine tshi nga limuwa na u pfectesa, tshine tshi nga vhona Mesia na Maanda o dzumbamaho o dzumbelwaho shango, uri vha sa do pfectesa zwino. Zwi tendele, Murena, uri izwi vha zwi vhone. Ngauri ri zwi humbeli Dzinani la Yesu. Amene.

[Tshikhala kha theiphi—Mudz.]

... Maanda zwenezwino,  
Oo Murena, rumela Maanda zwenezwino  
Huno u lovhedze muṅwe na muṅwe.

Vho vha vhe lufherani lwa nga nt̄ha,  
Vho vha vhe kha lithihi vhoṭhe,  
Musi Muya Mukhethwa wo tsa  
We wa fulufhedziswa nga Murena washu.

Oo Murena, rumela Maanda Au zwenezwino,  
Oo Murena, rumela Maanda Au zwenezwino;  
Oo Murena, rumela Maanda zwenezwino  
Huno u lovhedze muṅwe na muṅwe.

<sup>85</sup> Ndi Mu funa hani! Itou rumela Maanda Awe! Vho vha vhe lufherani lwa nga nt̄ha, vhoṭhe vhe kha lithihi. Shango loṭhe lo elelisa ngavho. Vho shululwa, huno Muya Mukhethwa wa ḫa.

<sup>86</sup> Namusi vha ri, “Idani, ivhani murado wa tshividzo, vheani dzina ḥanu kha bugu. Kana kotamelani fhasi huno ni ri, ‘Ndi bula Kristo sa Murwa wa Mudzimu,’ takuwani.” Diabolo u ita zwenezwo zwithihi. Zwa vhukuma. Diabolo o lovhedzwa musi Yudasi a tshi lovhedzwa. Diabolo o ya nn̄da huno a rera Mafhungo-madifha musi Yudasi o ya nn̄da huno a rera Mafhungo-madifha. Fhedzi diabolo ho ngo wana Muya Mukhethwa. Izwo ndi zwone. Heneffo ndi he Maanda o dzumbiwaho a vha hone, iyo mvuwo, i no divha zwa ngoho, hu si na na u timatima. Amene.

<sup>87</sup> U fhano. Muya Mukhethwa wonoula muthihi, Uyo we wa vha u kha Mesia, u kha di vha kha Tshividzo Tshawe. Ha tutsheli na kathihi. “Ndi do vha na inwi tshifhinga tshoṭhe, na kha inwi, u swika vhufheloni ha shango. Ndi do vha heneffo. Mishumo ine Nda ita, na inwi ni do ita. Yo engedzeaho u fhira iyi ni do ita, ngauri Ndi khou ya ha Khotsi Anga.”

<sup>88</sup> Fhedzi shango li a zwi leludza, “Oo, ayo ndi maduvha o fhiraho!” Zwi tou vha zwine diabolo a toda ni tshi ita. Vha ḥoda inwi ni tshi kunga. Mudzimu u ḥoda inwi ni tshi lovhedzwa. Mudzimu u ḥoda inwi... Inwi ni ri, “Oo, a thi tendi izwo

zwothe zwe vha vha tshi bvela phanda nazwo.” Iyani phanda huno ni tshile, iyani phanda huno ni tshile tshivhini tshañu, tshilani tshivhini tshañu. Fhedzi u swika ni tshi sina, u swika ni tshi sina kha mihibulo yañu, u swika ni tshi sina kha fesheni dzanu, huno na itwa muswa hafhu na bebwa hafhu, huno uvho Vhutshilo vhuswa vhu do fhambana tshothe-tshothe na uvho ho tselaho phasi.

<sup>89</sup> Thoro ya livhele i tsela phasi i tshirulwane, i mela i dala. I tsela phasi i tshi konda, yo valelwa ngomu, i mela i tshi tepa nahone i tshi vhudzuluwa nga maya. Oo, vhugala! Haleluya! Musi mimuya i tshi thoma u vhudzula, thoro a i koni u ita tshithu nga nda ha u disudzulusa, u sudzuluwa, fhedzi taritatu—lituku li a tepa nahone la takala, la aluwa nga itsho tshifhinga, la dikhwañhisa. Li nga si vhe tarit na kathihi u swika livhele lo no fa na u sina. Hu si u fa fhedzi; fhedzi u sina. Li nga si tsha kona u vhuya, fhedzi vhutshilo vhu a bva khalo.

<sup>90</sup> Vhunga ndo amba tshifhinganyana tsho fhiraho, mbebo ndi tshithu tshi sa takadziko, tsho tshikafhalaho, tsha tshika, tsho tshikafhalesaho tsha tshika, fhedzi afho ndi hune vhutshilo ha vha hone. Musi ni tshi didzhia no tshikafhala, dzhiani ndaela dza Methodisi yañu, Baphuthisi na Pentekoste dzo tshikafhala, huno na fa kha alitari, zwenezwo Vhutshilo vhuswa vhu a dzhena. Muya Mukhethwa u ni takulela ntha nga ngomu; ni vhona Mudzimu.

<sup>91</sup> Ri do Mu vhona nga linwe duvha la vhugala. Linwe duvha hu sa swikelwi pfecto i faho, ri do Mu vhona. Ni a zwi tenda izwo? Linwe duvha hu sa swikelwi pfecto i faho, henengei ndo lindelwa nga la matshelo la dakalo.

<sup>92</sup> Ndo vha ndo ima hafha ntha khudani madekwe, huno nda elekanya uri ndo vhona Rabbi Lawson mutuku. Zwi a tshi anzela u vha ngeno phasi, huno a swika u mona hothe nga lubada lwawe lwa kale huno a nkokodza nga mutsinga wawa, u mona na mutsinga wanga nga lubada lwawe, u swika ngeno ntha u ya kha phuluphithi, huno a imba lu la luimbo, “Henengei ndo lindelwa . . .” [Tshikhala kha theiphi—Mudz.] . . . ? . . .

<sup>93</sup> Tshinwe tshithu tsho bvelela! Tsho bvisa shango. Ndi thoma u vhona zwithu nga ndila yo fhambanaho. Ndo vhilaela zwinzhisa nga ha ndila ine avha vhatu vha Amerika vha khou ita, vha sa fhidzi, nwaha na nwaha, ndi tshi vhona vhasadzi na vhanna nga ndila ine vha dinyadzisa nahone vha bva vha dzhena tshivhini, u swika kañukutuku ndo vha na u xeletewa nga mutakalo, luvhili kana luraru, ndi tshi vhilaela nga hazwo. Mulovha, nda ri kha Mudzimu, “A thi tsha do vhilaela. Iphi Lau lo ri zwi do ralo. Fhedzi ndi do ima vhukati huno nda lwa nazwo, nga zwothe zwi re ngomu hanga.”

<sup>94</sup> Linwe duvha, ndo ima ntha ngei Green’s Mill, bako langa, murahurahu sogani, ndo vha ndi tshi khou rabela duvha lothe.

Huno i tshi ṭodou rwa awara ya vhuraru n̄ha ha tshithoma, duvha lo vha li tshi khou kovhela, huno ndo vha ndo ima n̄ha henengei ndo sedza ndi tshi budekanya, nda bva bakoni, n̄ha ha tombo lihulu. Huno ndo vha ndo ima heneffo, ndo sedza thungo ya Vhubvađuvha, ndi tshi khou renda Murena. Huno ndo kona u vhona duvha li tshi sudzulutshela fhasi ngomu murahu ha miri n̄ha thodzini ya thavha, ndi tshi sedza u budekanya govha na nga hangei kha zwiñwe, huno hu na maṭari manzhi khazwo, ho tou dzika sa zwe ha vha ngayo. Huno nda ri, “Murena, liñwe duvha Wo dzumba Mushe kha mutwe wa tombo, huno Wa mu fhira heneffo, nge a vha o neta. Fhedzi Wo fhira heneffo, a ri tsho vha ‘tshi tshi nga muṭana wa muthu.’” Nda ri, “Nnzumbe kha mutwe, Murena.” Nga tshifhinga tshire tsha ṭodou vha tshenetsho, thungo iñwe yanga, ha da Muya muṭukū u tshi sudzuluwa zwiṭakani. Wa sudzuluwa heneffo, wa tsela heneffo fhasi nga thungo yanga, Muya muṭukū u tshi sudzulutshela fhasi, wa tsela fhasi maṭakani. Nda ima heneffo.

Liñwe duvha, Mudzimu ndi ene fhedzi a no  
divha uri ngafhi kana lini,  
Malinga a vhutshilo vhu faho a do dzika othe,  
Zwenezwo ndi do ya u dzula muvhunduni wa  
Tsioni.

Liñwe duvha nga phanda ha hune pfecto i  
faho i nga swikelelwa,  
Liñwe duvha, Mudzimu ndi ene fhedzi a no  
divha uri ngafhi kana lini,  
(Naa hu khou yo bvelani? Vhu do vala,  
malinga aya maṭuku othe a no khou mona.)  
Malinga a vhutshilo vhu faho a do dzika othe,  
Zwenezwo ri do ya ra dzula muvhunduni wa  
Tsioni.

Dembelela fhasi, goloi i ḫifhaho,  
I ḫela u nnyisa Hayani;  
Dembelela fhasi, goloi i ḫifhaho,  
I ḫela u nnyisa Hayani.

Arali na swika ngei ndi sa athu,  
I ḫela u nnyisa Hayani;  
Vhudzani Mukomana Bosworth, na khonani  
dzanga dzothe, na dzone-vho,  
I ḫela fhedzi u nnyisa Hayani.

Zwino dembelela fhasi... (U do tsa liñwe  
duvha a nndoba)... golo-...  
(Muri muñwe na muñwe u do dugu; Vharuñwa  
vha Mudzimu, goloi ya mulilo)... u nnyisa  
Hayani;  
Dembelela fhasi, goloi i ḫifhaho,  
I ḫela u nnyisa Hayani.

<sup>95</sup> Nga liñwe la aya mađuvha, liñwe la aya mađuvha kha zwipida zwa fhasi zwa awara dza lufu lwanga, ndi a Mu ḥoda uri a de. Izwo ndi zwone.

Ndo sedza seli ha Yorodane huno nda vhonani

I dela u nnyisa Hayani; (vhunga Eliya o aluwaho a tshi sedza seli ha Yorodane)

Bennde ya Vharunwa vha penyaho i no ntevhela,

Vho vha vha tshi ḥela u nnyisa Hayani.

Dembelela fhasi, tsela fhasi, goloi i ḥifhaho,

I ḥela u nnyisa Hayani;

Dembelela fhasi, goloi i ḥifhaho,

I ḥela u nnyisa Hayani.

<sup>96</sup> Murena Yesu, Mutshimbidzi o fhaṭutshedzwaho wa iyi goloi, Musumbandila wa tshikepe tsha kale tsha Tsioni, gungwa la Vhutshilo, li tshi sudzulutshela fhasi kha tshifhaṭo, ri tshi amba, Vhuhone Hawe vhu fhano. Wonoyo Muya Mukhethwa we wa Mu vusa tshaloni u fhano.

<sup>97</sup> Sa izwo vha songo kovha garaṭa dza thabelo, naa hu na muñwe muthu fhano a no bva nn̄da ha ḥorobø, ane nda sa muñivhe, a re fhano u rabelelwa? Imisani zwanda zwañu, uri a thi ñivhi. Imisani zwanda zwañu, a thi ñivhi. Inwi, inwi heneffho. Ndi tenda uri muthu muñku a re na ḥongelavhabvana ngei murahu, muñwe o imisa tshanda tshawe murahu nga iyo ndila. Iina, inwi, no imisa tshanda tshamu? Zwo luga. Ngei murahu, inwi, muñe wanga. Zwo luga. Ni vhatinda nothe kha nñe? Uyo Mureña Yesu, Mulisa onoyo muthihi wa sambí fhano, naa ni a tenda uri pfulufhedziso Dzawe ndi dza ngoho? U dolisa tshivhidzo Tshawe, huno “Mishumo ine Nda ita, ni do ita, na inwi. Na i fhiraho iyi ni do ita, ngauri Ndi ya ha Khotsi Anga. Yo engedzeaho u fhira iyi!” Ni a zwi tenda izwo?

<sup>98</sup> Naa no imisa tshanda tshamu uri a no ngo nn̄divha? Naa ni a tenda uri Mudzimu a nga mmbudza zwine zwa vha mbiluni yanu, uri a nga amba na nñe u tou fana na nga ndila ye A ita kha musadzi o kwamaho tshiambaro Tshawe? Naa ni a tenda uri ndi Ene Tshifhe Muhulu ane a kwamiwa nga vhudipfi ha u shaya nungo hashu? Arali Mudzimu a tshi do nn̄dzumbululela nyimele dzañu, naa ni do ntenda uri ndi muporofita Wawe, na tendauri Vhuhone Hawe vhu fhano na uri ndi ngazwo A tshi zwi tendela? Ni khou rabelela mufumakadzi wañu. U na khundu yo vundeaho, khundu yo bvaho vhudzuloni. Izwo ndi zwone. Arali zwi zwone, takuwani. Zwo luga, iyani u mu wana, e na mutakalo. Amene.

<sup>99</sup> Mini-ha nga ha inwi heneffho murahu, muthu muñku we a takuwa, we a vha e na ḥongelavhabvana? Ni a tenda nga mbilu yanu yothe? Naa ni a tendauri Mudzimu a nga

mmbudza vhuleme hanu? Ni a tenda uri murwa wañu u ño luga tshoþhe? Ni a ralo? Ni na mutukana, u na u shaya nungo miraðoni. Izwo ndi zwone. A ni... U bva Kentucky. Arali izwo zwi zwone, imisani tshanða tshañu. A thi ni ðivhi, ndi a ralo? Arali ndi tshi ita... Imisani zwanða zwañu nga ndila *iyi*, a ri ðivhani. Izwo ndi zwone. Ni tshi fulufhela Mudzimu. Naa ni a tenda? Vhunga ni tshi tenda, wanani mutukana wañu nga ndila ine na tenda. Vheani mbilu yañu heneffho.

<sup>100</sup> Naa ndi nnyi we a imisa zwanda zwawe hafha, we nda si—nda si... Naa ho vha hu inwi? Zwo luga, murena, ni a ntenda uri ndi muporofita wa Mudzimu? [Munna u ri, “Amene.”—Mudz.] Ni a ralo, nga mbilu yañu yoþhe? A ni tei u takuwa, itonu ima heneffho. Zwo luga, muñe wanga, vhuleme hanu ndi vhufhio, ni na vhulwadze ha swigiri. [“Izwo ndi zwone.”] Huno vhu khou dina mulenzhe wañu. [“Iina.”] Ni bva Ohio. [“Iina.”] Dzina lañu ndi Vho-Miller. [“Izwo ndi zwone.”] Humelani hayani huno ni wane mutakalo. Zwo luga, tendani nga mbilu yañu yoþhe. Zwo luga.

Ni tenda nga... Zwi tendeni. Arali ni tshi nga tenda!

<sup>101</sup> Mufumakadzi o dzulaho hafha, no imisa tshanða tshañu? Mufumakadzi muhulu, o ambaraho dzingilasi, ni a tenda nga mbilu yañu yoþhe? Ni a tenda nga... Ni a ntenda uri ndi mulanda wa Mudzimu? Ni a ralo? Zwo luga, arali Mudzimu a tshi nga mmbudza uri vhuleme hanu ndi mini, ni ño tenda? Vhuleme ha mbilu. Zwo luga, imisani tshanða tshañu arali izwo zwi zwone. Zwo luga.

<sup>102</sup> Mufumakadzi hafha a re tsini na inwi, o takuwa. Mbilu; fhedzi ndi maþo aþu zwa vhukuma. Ndi a mu ðivha. Zwo luga, arali ni tshi nga tenda!

<sup>103</sup> Murahu heneffho, munna a tevhelaho murahu henengei u na vhuleme ha mbilu, na ene-vho, na vhulwadze ha lukanda. Naa ni a tenda uri Mudzimu u ño ni fhodza? Ni a ralo, muñe wanga?

<sup>104</sup> Hu na munna murahu heneffho huiwe fhethu, o imisa zwanda zwawe we a sa... Vho-Schubert. Zwo luga, muñe wanga. Zwo luga, ni a tenda? Ndi nga nþhani ha maþo aþu, na one, a si zwone? Ni khou rabelela mme aþu vho dzulaho ngei nnða, na vhone. Arali izwo zwi zwone, imisani tshanða tshañu. Ri vhatsinda. Naa ndi zwone? Khaðani, khaðanani. Zwo luga, izwo ndi zwone. Arali ni tshi nga tenda, ni nga þanganedza!

<sup>105</sup> Yesu Kristo o vuwaho u ngomu tshifhaþoni. Ndi Ene onoula muthihi. Naa Zwi itani kha inwi? Naa no tendela shango u swiswina nungo dzoþhe kha inwi? Vhugala! Ndi þoda mbebo ntswa! Ndi þoda Vhutshilo vhuswa! A thi londi uri Vhu ña nga bufho-de, arali ndi tshi tea u vha muvhumbuluwi mukhethwa, tshinwe na tshinwe. A thi londi uri U ña nga bufho-de, ndi þoda Muya Mukhethwa wa vhukuma vhunga u kha nñe zwino.

Ndi ḥodou U vhulunga! Ndi nga ɻamba nda vha Nawo u fhira zwithu zweithe zwa shango. Amene! Naa ni a tenda? Naa ni a tenda uri U fhano?

<sup>106</sup> Vheanani zwanda, zwenezwo. Mmbudzeni tshiñwe tshithu hafhu tshine A nga ita. A hu na. Ivhani na lutendo zwino. Tendani uri zwe phela.

<sup>107</sup> Murena Mudzimu, Musiki wa Mataðulu na ɻifhasi, Musimuli wa Vhutshilo Vhu Sa Fheli, na Muñei wa zwifhiwa zweithe zwavhuði, Muya Wau u fhano nga ndodzo khulu, Murena, hu vhonala hu tshi nga tshifhaþo tshi khou fema, tshi tshi ya murahu na phanda. Ndi ngani vhatu vha sa zwe pfectesi, Murena? Naa vho—vho ðowelana nga maandesa na shango, huno vha vha vha rotholaho nga maanda na u vha vha maitele na u vha na u huduluwa, u swika vha si tsha kona u U ðivha? Murena Mudzimu, ngavhe aya Maanda a tshi rwa muñwe na muñwe, huno muthu muñwe na muñwe a lwalaho a fhodzwe, muitazwivhi muñwe na muñwe a tshidzwe, huno Mudzimu a wane vhugala. Nga Yesu Kristo, Murwa wa Mudzimu, ndi a zwi humbelia. Amene.

<sup>108</sup> Naa ni a zwi tenda? Imisani zwanda zwañu. Naa ni a tanganedza phodzo yañu? Mudzimu a ni fhaþutshedze. Zwino ɻuwani huno ni zwi wane nga ndila ine na tenda, zwi ðo vha nga iyo ndila. Ndi vhona mabono a bvelelaho nga n̄ha ha vhañwe. Izwo ndi zwone. Ndi tea u vhuya madekwana a ɻamusi.

<sup>109</sup> Arali ni sa tendi zwino, a ni tsha ðo tenda na kathihi. Izwo ndi zwone. Yesu o zwi ita nga tshiñwe tshifhinga, huno vha ri, “Iwe u... Ri a zwi ðivha uri musi Mesia a tshi ða, U ðo ri vhudza izwi.” A ri, “Ndi a zwi ðivha uri Mesia u ðo ita izwo. Fhedzi Iwe u Nyi?”

A ri, “Ndi nñe Ene.”

<sup>110</sup> Zwenezwo a gidimela ngomu muðini huno a ri, “Idani, vhonani Munna We a ðivha zwe nda vha ndi zwone na zwe nda ita. Naa uyu a si Mesia?”

<sup>111</sup> A ri, “Izwi zwithu zwi ðo vhumblea hafhu maðuvhani a u fhedzisela. Tshivhidzo tshi ðo vha tshi tshi khou rera Ngoho, Tshi ðo vha tsho ima kha Ipfi. Tshi ðo vha tshi tshi khou ita Milayo ya Mudzimu yoþe. Tshi nga si ðowelane na shango. Huno nga kha henefho Ndi ðo tshimbila nahone nda ita zwithu zwenezwo zwithihi.”

<sup>112</sup> Fhedzi A ri, “Vha ðo ðihudza, vha ɻonga, vha funaho u diphina u fhira u vha vha Mudzimu, vha sa vhofhiwi navho fhungo la vha hone, vhafheþi, vha re na tshifanyiso tsha u nga vha ofha Mudzimu,” vha vhurereli nga maanda, vha tshi ya zwivhidzoni. “Vha re na tshifanyiso tsha u nga vha ofha Mudzimu, fhedzi Maanda aho vha tshi a landula. Vho ralohu ɻutshela kule havho!”

<sup>113</sup> Vhoiñwi vhatu, huñwe na huñwe he na vha ni hone tshivhidzoni, vhe A ni vhidza zwenezwino, bono lo bva kha nñe. Arali—arali izwo zwe vha zwi ngoho, zwe nda amba, huno nñe ndi a sa divhiho izwo kha inwi, imisani zwanda zwañu, onoyo we a vha e ene. Kha tshivhidzo tshothe, muthu muñwe na muñwe—muñwe na muñwe. Zwo luga. Ni a vhona? A thi vha divhi, na kathihi a thi athu vha vhona; fhedzi Muya Mukhethwa u fhano huno U a vha divha. Naa a ni vhoni uri a si nñe?

<sup>114</sup> Thetshelesani! Arali A tshi do mpfulufhedza kha izwo, U do mpfulufhedza kha Ngoho ya Ipfi, ngauri Ngoho i nga da fhedzi nga Ipfi. “Shandukani, muñwe na muñwe wañu, huno ni lovhedzwe nga Dzina ja Yesu Kristo, u itela khangwelo ya zwivhi, huno ni do tanganedza tshifhiwa tsha Muya Mukhethwa, ngauri pfulufhedziso ndi yañu na kha vhana vhanu, avho vha re kule, na vhanzhi vhane Murena Mudzimu washu a do vha vhidza.” Ni a zwi tenda? Hu do vha na tshumelo ya ndovhedzo nga tshifhinganyana fhedzi.

<sup>115</sup> Kha ri kotamise zwifatuwo zwashu. Ndi do humbela mufunzi u rabela musi vha tshi lugisela ndovhedzo. Ndi elekanya uri hu na tshumelo ya ndovhedzo i no khou da. Zwo luga. 

*Tshivhidzo Na Nyimele Yatsho  
(The Church And Its Condition)*  
Thangule 5, 1956, Swondaha nga Matsheloni

*Khoro Ndi Thukhu  
(Strait Is The Gate)*  
Thafamuhwe 1, 1959, Swondaha nga Matsheloni

*Tshivhidzo Tsho Fhuriwaho, Nga Shango  
(A Deceived Church, By The World)*  
Fulwi 28, 1959, Swondaha nga Matsheloni

Heyi Milaedza nga Mukomana William Marrion Branham, yo ñewaho nga Tshiisimane Thaberanakeñeni ya Branham kha ja Jeffersonville, Indiana, U.S.A., yo dzhiwa kha rekhodo dza theiphi ya maginete huno ya gandiswa nga Tshiisimane. Heyi þhalutshedzo ya Tshivenða yo gandiswa nahone ya phaðaladzwa nga Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)